



KERAJAAN MALAYSIA

**SURAT PEKELILING AKAUNTAN NEGARA MALAYSIA
BILANGAN 5 TAHUN 2017**

**PERATURAN BAYARAN KHAS AIDILFITRI
TAHUN 2018**

JABATAN AKAUNTAN NEGARA MALAYSIA

BIL.	KANDUNGAN	MUKA SURAT
1.	Tujuan	1
2.	Latar Belakang	1
3.	Pelaksanaan	2
	3.1 Tarikh Pembayaran	2
	3.2 Peruntukan Untuk Membayar Bayaran Khas Aidilfitri Tahun 2018	2
	3.3 Kaedah Bayaran Khas Aidilfitri Tahun 2018	2
	3.4 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO)	3
	3.5 Kod Urusniaga	4
4.	Hal-Hal Lain	4
5.	Tarikh Berkuat kuasa	5
6.	Penutup	5



KERAJAAN MALAYSIA

**SURAT PEKELILING AKAUNTAN NEGARA MALAYSIA
BILANGAN 5 TAHUN 2017**

Semua Ketua Setiausaha Kementerian
Semua Ketua Jabatan Persekutuan
Semua Ketua Akauntan Kementerian
Semua Pengarah Negeri/ Cawangan Jabatan Akauntan Negara Malaysia
Semua Pusat Tanggungjawab

PERATURAN BAYARAN KHAS AIDILFITRI TAHUN 2018

1. TUJUAN

Surat Pekeliling ini adalah bertujuan untuk menetapkan peraturan Bayaran Khas Aidilfitri Tahun 2018 kepada Pegawai Perkhidmatan Awam Persekutuan sempena sambutan perayaan Hari Raya Aidilfitri Tahun 2018.

2. LATAR BELAKANG

- 2.1 Kerajaan telah menetapkan kadar Bayaran Khas Aidilfitri Tahun 2018 sebanyak RM500.00.
- 2.2 Kadar Bayaran Khas Aidilfitri Tahun 2017 sebanyak RM250.00 juga dipanjangkan pemberiannya kepada pesara Kerajaan yang menerima pensen.
- 2.3 Surat Pekeliling ini hendaklah dibaca bersekali dengan Pekeliling Perkhidmatan Bilangan 7 Tahun 2017 – Bayaran Khas Aidilfitri Tahun 2018 bertarikh 13 Disember 2017 dan surat daripada Kementerian Kewangan rujukan KK/BP/DS(S)10/79/28(S.K.1/2017)(7) – Bayaran Khas Aidilfitri Tahun 2017 *Contract For Service* Tahun 2018 bertarikh 14 Disember 2017.

3. PELAKSANAAN

Pelaksanaan tatacara perakaunan bagi Bayaran Khas Aidilfitri Tahun 2018 adalah seperti berikut:

3.1 Tarikh Pembayaran

Bayaran Khas Aidilfitri Tahun 2018 ini akan dibayar pada **7 Jun 2018**.

3.2 Peruntukan Untuk Membayar Bayaran Khas Aidilfitri Tahun 2018

Kementerian/Jabatan hendaklah membayar Bayaran Khas Tahun 2018 menggunakan peruntukan tahun 2018. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

3.3 Kaedah Bayaran Khas Aidilfitri Tahun 2018

Terdapat dua (2) kaedah Bayaran Khas Aidilfitri Tahun 2018 iaitu melalui:

3.3.1 Bayaran melalui Sistem Gaji Berkomputer

(a) Tanggungjawab Pejabat Perakaunan (PP)

- i) Mengeluarkan **Laporan Penerima Bayaran Khas** kepada Pusat Tanggungjawab (PTJ).
- ii) Memproses Bayaran Khas Aidilfitri Tahun 2018 setelah Pusat Tanggungjawab (PTJ) mengesahkan **Laporan Penerima Bayaran Khas**.

(b) Tanggungjawab Pusat Tanggungjawab (PTJ)

- i) Menyemak **Laporan Penerima Bayaran Khas**. Pegawai yang tidak layak hendaklah dikeluarkan daripada laporan tersebut.

ii) Mengutip **semua amaun** yang telah dibayar kepada pegawai yang tidak layak menerima Bayaran Khas Aidilfitri Tahun 2018 dengan kaedah berikut:

- Bagi pegawai yang masih berkhidmat, tindakan pemotongan secara sekaligus hendaklah diambil bagi bayaran gaji bulan berikutnya;
- Bagi pegawai yang dikenakan tatatertib, ditamatkan perkhidmatan demi kepentingan awam dan meletak jawatan dalam tempoh 1 Januari 2018 hingga 7 Jun 2018, kutipan tunai hendaklah dibuat ke atas pegawai.

3.3.2 Bayaran Melalui Arahan Pembayaran (Kew. 330E)

Tanggungjawab Pusat Tanggungjawab (PTJ)

Menyediakan Arahan Pembayaran (Kew. 330E), Jenis Transaksi (K2) beserta Penyata Perubahan Mengenai Pendapatan Seseorang Pegawai (Kew. 8) dan dokumen sokongan yang lain.

3.4 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO) tidak dilaksanakan tertakluk seperti berikut:

3.4.1 Cukai Pendapatan

Bayaran Khas Aidilfitri Tahun 2018 tidak akan dikira sebagai pendapatan bagi tujuan pengiraan cukai pendapatan.

3.4.2 Caruman Kumpulan Wang Simpanan Pekerja (KWSP)

Bayaran Khas Aidilfitri Tahun 2018 tidak termasuk di bawah definisi “Upah” sepertimana yang diperuntukkan di bawah Seksyen 2, Akta Kumpulan Wang Simpanan Pekerja (KWSP) 1991 (Akta 452). Sehubungan dengan itu, ianya tidak perlu dicarumkan ke Kumpulan Wang Simpanan Pekerja (KWSP).

3.4.3 Caruman Pertubuhan Keselamatan Sosial Pekerja (PERKESO)

Bayaran Khas Aidilfitri Tahun 2018 ini tidak perlu dicarumkan ke Pertubuhan Keselamatan Sosial Pekerja (PERKESO).

3.5 Kod Urusniaga

Kod urusniaga yang perlu digunakan bagi Bayaran Khas Aidilfitri Tahun 2018 adalah seperti berikut:

Kod Elaun (Payroll)	Kod Objek (2018)	Tujuan Kod Akaun
1077	B0117104	Pemberian Khas Kakitangan Awam dan Pemberian Khas Kakitangan Awam (JUSA)
1077	B0117204	Pemberian Khas Pasukan Keselamatan dan Pemberian Khas Pasukan Keselamatan (JUSA)
1077	B0229306	Pemberian Khas Pekerja Sementara atau Sambilan

4. HAL-HAL LAIN

Sekiranya terdapat sebarang pertanyaan lanjut mengenai Surat Pekeliling Akauntan Negara Malaysia (SPANM), Kementerian/ Jabatan dan Pejabat Perakaunan boleh merujuk kepada pihak berikut:

Pengarah
Bahagian Pengurusan Operasi Pejabat Perakaunan (BPOPP)
Jabatan Akauntan Negara Malaysia
Aras 3, Kompleks Kementerian Kewangan
No.1, Persiaran Perdana
62594, Presint 2
Putrajaya

u/p : Unit Pengurusan Prestasi
Emel : unit_prestasi@anm.gov.my
No. Telefon : 03-8882 1624/1612/1622/1611

5. TARIKH BERKUAT KUASA


Surat Pekeliling ini berkuat kuasa mulai pada tarikh dikeluarkan.

6. PENUTUP

Kementerian/Jabatan dan Pejabat Perakaunan hendaklah memastikan peraturan yang ditetapkan dalam surat pekeliling ini dipatuhi.

“BERKHIDMAT UNTUK NEGARA”

Saya yang menurut perintah,



SAAT BIN ESA C.A.(M)
Akauntan Negara Malaysia
22 Disember 2017

s.k :

Ketua Setiausaha Negara

Ketua Pengarah Perkhidmatan Awam

Ketua Setiausaha Perbendaharaan

Ketua Audit Negara

Pengarah Jabatan Arah Urusan Gaji Angkatan Tentera (UGAT)

Semua YB Setiausaha Kerajaan Negeri

Semua YB Pegawai Kewangan Negeri

Semua Akauntan/Bendahari Negeri